

NALUNAARUT!

**Ukiumi aningaasarsiorfiusumi 2013-mi akileraarutitut
akiliivallaarutigisimasaniq utertoortussanut pisortanullu akiitsulinnut
Akileraartarnermut Aqutsisoqarfimmi akiliisitsiniutigineqartussanut
tunngatillugu tamakkerlugit unerartitsivigineqarlutik ilanngaaffigineqarnissaat,
inangiivigineqarnissaat arsaarinnissuteqarfigineqarnissaallu matumuuna
nalunaarutigaa.**

Ukununnga akiitsunut ilanngaassisoqassaaq:

- Akileraarutitut akiitsuutinullu akileeqqusilluni piumasaqaatit taakkualu erniaannut sullissinermullu akiliutit ilanngullugit piumasaqaatit tamaasa.
- Ineqarnermut akiliutitut, qularnaveeqqusiissutitut uningtatitut inissianullu attartortittakkanut Kalaallit Nunaanni Namminersorlutik Oqartussanit pigineqartunut iluarsartuussinermut akiligassanut piumasaqaatit tamaasa.
- Illuliornermut tapersiissutinik taarsigassarsiat inuussutissarsiutinullu tapersiisarfirmmit taarsigassarsiat, Kalaallit Nunaanni Namminersorlutik Oqartussanit taarsigassarsiaritineqarsimasunut piumasaqaatit tamaasa.
- Kallerup inneranut / imermut / kiassarnermullu Nukissiorfirmmit akiligassatut piumasaqaatit.
- Ilinniaqarnermut/Ilinniarnep nalaani taarsigassarsianut piumasaqaatit.
- Kalaallit Nunaanni Namminersorlutik Oqartussanit imaluunniit Namminersorlutik Oqartussat suliffeqarfiutaasa arlaannit akiligassatut piumasaqaatit allat suungaluartulluunniit.

Inangiineq, Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat nr. 3, 2. maj 1996-imeersoq, Inatsisartut inatsisaatigut nr. 4-kut 26. april 2007-mi allangortinneqartukkut akiligassanik akiliisitsiniarneq ukununnga tunngatillugu pissaq:

- Piumasaqaatit Kalaallit Nunaanni kommuunit arlaata ikiorsiissutinik utertitsisussaataitaanikkut akiliutigigallarsimasai.
- Piumasaqaatit Kalaallit Nunaanni kommuunit arlaata pilersuisutut akilersuutitut naafferartumik siumoortumik akiliutigigallarsimasai.
- Piumasaqaatit Kalaallit Nunaanni kommuunit arlaata inuussutissarsiornermut tapersiissutitut taarsigassarsiarititai.

Arsaarinninneq pissaq, Kalaallit Nunaanni Eqqartuussisarnermut inatsimmi immikkoortoq VIII, kapitel 47, § 598, imm. 2 aamma 3 naapertorlugu pinngitsaaliissummik akiitsorilersimasat, taakkulu ukuupput:

- Taarsigassarsianit utertillugit akiliutissatigut imaluunniit illuummik pigisanilluunniit qularnaveeqqusiinikkut pisortaniit taarsigassarsiat erniaasigut piumasaqaatit
- Pisortat inissiigallarnermut, kiassarnermut, kallerup inneranut, imermut eqqaavilerinerneq anartarfilerinerneq akiliutinik piumasaqaataat.
- Pisortanut akileraarutit akitsuutillu Kalaallit Nunaanni inatsit atuuttoq naapertorlugu akiligassat.
- Piumasaqaatit pilersuisutut akilersuutitut Kalaallit Nunaanni oqartussaasunut akiitsunut tunngasut.
- Piumasaqaatit pilersuisutut akilersuutitut danskit naalagaaffiannit aalajangersarneqarsimasut naapertorlugit, kiisalu akileraarutitut akitsuutinullu piumasaqaatit, Danmarkimi akiliisitsiniutigineqarsinnaasut.
- § 627 naapertorlugu aningaasat taarsiiffiginnissutit.
- Taakkua saniatigut pisassat Namminersorlutik Oqartussanut attuumassuteqartut, inatsisartut inatsisaat imaluunniit inatsisartut peqqusutaat naapertorlugit pinngitsaaliissummik akiliisitsiniutigineqarsinnaapput.

Kiisalu ilisimatissutigineqassaaq, pinngitsaaliissummik akiligassanut il. il. Eqqartuussiviup akiliisitsiniarnermut oqartussaataitaanit piumasarineqartunut arsaarinnittoqarsinnaasoq.

Ilanngaassineq, atuutilersitsineq akiliisitsiniarnerlu pissapput akiliisitsiniarneq aningaasarsiatigut, akilersuinissamik isumaqatigiinnikkut pinngitsaaliissumilluunniit pigisanik tigoriaannarnik matussuserneqarnissaat isumaqatigiissutigineqareersimagaluarpalluunniit.

Akiitsullit, 2013-mi akileraarutigut akiliivallaarutinik tunniussinnermut atatillugu ilanngaassinnermut, atuutilersitsinnermut akiliisitsiniarnermulluunniit akerliusut, Akileraartarnermut Aqutsisoqarfiata allaffianut, uani adressiata allassimanera nanineqarsinnaasumut: www.aka.gl , imaluunniit saaffiginnittoqarsinnaavoq oqarasuaammut normu: 34 6510.

Ukiumi aningaasarsiorfiusumi 2013-mi inaarutaasumik nalunaarutip akileraarnikippallaarsimasutit takutissappagu Akileraartarnermut Aqutsisoqarfiup 2015-mut siumoortumik nalunaarsuinnermut atatillugu 18.000 kr.-it tikillugit nalunaarsuutitut ilanngussinnaavai, Namminersornerullutik Oqartussat Nalunaarutaat nr. 2, 1. december 2006-imeersoq naapertorlugu. Tamanna 2013-mi inaarutaasumik nalunaarummi 2015-milu skattikortimi takuneqarsinnaassapput. Akileraarnikippallaarutitit naatsorsuutitut ilanngunneqanngippata PBS aqqutigalugu septembei, oktoberi novemberillu qaammataanni 2014-mi akileeqqusisutitik nassinneqassaatit.

Nuuk, august 2014:

*Namminersornerullutik Oqartussat
Akileraartarnermut Aqutsisoqarfik
Postboks 1605
3900 Nuuk*